

Bucuti & Tara Beach Resort ta representa Aruba cu orguyo

Como e unico hotel Arubano den e prestigioso Condé Nast Traveler Readers' Choice Awards 2024

Bucuti & Tara tambe ta celebra cu Aruba a keda reconoci entre e 20 miho islanan den Caribe y Atlantico, briyando hunto

BUCUTI & TARA BEACH RESORT ta anuncia cu gran orguyo y placer cu nan a wordo nombra un bes mas den e lista prestigioso di ganadonan di Condé Nast Traveler Readers' Choice Awards 2024. E anuncio, cu a tuma luga, ta resalta e resort como un ganado consecutivo aña tras aña, y un bes mas como e unico hotel Arubano den e lista di [Top 40 Resorts in The Caribbean Islands](#). Ademá, e resort ta celebra su isla stima, Aruba, su reconocimiento como un di e [Top 20 Best Islands in The Caribbean & Atlantic](#).

Experiencianan comparti dor di huespednan

E aña aki, mas di 575,000 lesado di Condé Nast Traveler na Merca a manda nan evaluacionnan di nan experiencianan di biahe na diferente resort y destinacionnan, incluyendo Bucuti & Tara Beach Resort. Esaki a duna un bista completo di e luganan unda turistanan ta desea bolbe. E Readers' Choice Awards ta conoci pa su legado incomparable como un di e premiacionnan mas prestigioso den e sector di biahe, y lo keda un simbolo supremo di esnan miho den e industria di turismo.

Notificacion di e ekipo di Condé Nast Traveler a inclui: “Nos ta celebra e miho experiencianan global cu tin pa ofrece, y bo contribucion notabel a solidifica bo posicion como un standout den e industria di biahe. Felicitacion cu e logro extraordinario aki!”

“E aña aki tawata un di e añanan mas popular den biahe, y cu tanto opcion mundialmente, gana e Condé Nast Traveler Readers' Choice Award 2024 ta un gran honor y ta confirma cu Bucuti & Tara Beach Resort ta keda entre e miho resortnan na mundo,” Ewald Biemans, doño/CEO di Bucuti & Tara Beach Resort ta conta. “Nos ta inmensamente gradici na tur lesado cu a evalua nan experiencia di biahe na Bucuti & Tara asina altamente cu nan ke comparti nan experiencia cu otro biaheronan cu ta busca un experiencia di servicio sobresaliente, den un ambiente trankilo y relahante, y na un hotel cu ta dedica na preserva Aruba su naturalesa y beyesa pa futuro generacion.”

E Readers' Choice Awards a wordo publica riba e website di Condé Nast Traveler na [CNTraveler.com/rca](https://cntraveler.com/rca) y tambe lo wordo lista den nan edicion imprimi di november 2024, cu lo ta disponibel pa benta na mita di october.



Compromiso pa excelencia ta motiva renobacionnan nobo

Como un di e top resortnan, Bucuti & Tara Beach Resort semper ta busca formanan pa mehora su standard di servicio y pa duna e miho experiencia posibel pa su huespednan. E resort ta pasando door di un transformacion dinamico den su dining outlets, cu renobacionnan tanto den su interior como exterior y su menu renoba y enfoca riba sostenibilidad.

E transformacion, den colaboracion cu e firma internacional di diseño interior [FG Stijl](#), ta den progreso y renobacionnan den Tara Lounge, cu ta famoso pa su Sunday Brunch, lo ta cla pa 15 di october. Despues, e restaurant famoso Elements—conoci pa su ‘View to Dine For’ y nombra como un di TripAdvisor su Top Date Night Spots den Mundo—lo sigui cu su renobacion y lo habri bek na 16 di december. Durante e renobacion, Tara Lounge lo sirbi temporalmente como e dining venue di Elements, p’asina huespednan por disfruta di e resort su platonan sin interrupcion.

Tambe den proceso t’e introduccion di un yoga dek nobo. E dek lo ta situa den un area sereno, rondona door di naturalesa y cu un bista espectacular di Eagle Beach, dunando tur huesped y local cu lo participa den un actividad di yoga un ambiente di paz y refleho.

Pa mas informacion, bishita Bucuti.com